

Italia: Carlos Luigi Scalfarok gaur hartuko du lehendakaritza

Beharrezko diren botoak baino 164 gehiago lortu zituen parlamentuan

Gaur hartuko du kargua Italiako errepublikako bederatzigarren lehendakariak. Alderdien artean adostasuna lortu ondoren Carlos Luigi Scalfaro bihurtu zen hurrengo agintaldian Cossigaren lekukoa hartuko duen Gobernu burua Atzean geratu dira dagoeneko lehendakaria aukeratzeko egindako hamabost saio antzuak eta hauek sorturiko egoera politiko larria. Krisiari aurre egitea izango du lehenengo betekizuna Scalfarok.

J. LARRANAGA / DONOSTIA

Gaur kargua zin egin ondoren, Behe Ganbarako lehendakari-tzarako hautagai egokia lortzen aritu beharko dute buru belarri politikariek. Ez dute gainera lan erraza izango, izan ere, iragan apirilaren 24ean egin ziren hauteskundeetan oso zatituta gelditu bait ziren Parlamentuko indarrak.

Orain artean Parlamentuko Behe Ganbarako lehendakari izan denak aldeko 672 boto jaso zituen, beharrezko diren botoak baino 164 gehiago. Italiako Parlamentuko kide gehienek Scalfarori emandako babesa larunbatean Falcone epailearen aurkako atentatuak bizitu zuen besteak beste.

Italiako 'camorrak' Palermone egindako erasoak politikarien kontzientzia eragin zuen nolabait; aurreko asteetan izan zen



Oscar Luigi Scalfaro herenegun estreinatu zuen Lehendakariitzako bulegoan.

EPA

alderdi zatiketa eta Parlamentuan eman zuten ikuskizunei eustea zilegi ez zela ohartuta, hautagai bateratu bat aurkezteko erabakia hartu zuten alderdi nagusiek azkenik.

Honela bada, igandean egitekoa zen bozketa astelehenera atzeratu zuten akordio bat lortzeko denbora izan zezaten. Hari honetatik, talde bakoitzak bere alderdiko hautagaia aurkezteari

utzi eta Lehendakariitza lortzeko aukera teoriko guztiak lituzkeen beste norbait hautatzea erabaki zuten koalizio Gobernuko kideek (demokristauak, sozialistak eta liberalak), Oscar Luigi Scalfaro Behe Ganbarako lehendakaria eta Giovanni Spadolini Senatukoa hain zuzen.

Maastrichteko ituna premiazkoa

Azken aste hauetan lehendakari berria hautatzeko saioretara mugatu da kasik Italiako politika guztia. Dimititu duen behin-behineko Gobernuak beraz, ez dio jaramon handiegirik egin kanpo arazoei. Horrebestez, Maastrichteko ituna berresteko prozesuari ekin beharko diote denbora asko pasatzen utzi baino lehenago.

Europako arazoei aipatu izan zuten lekurik hauteskunde kanpaina. Hala ere, izan zen Italiak defizit publikoa eta inflazioa kontrolatzeko lituzkeen zailtasunak aipatu zituenik ere. Horren haritik, Europako Komunitateak ultimatum eman zion Italiari, errepublika honek duen zor publikoa Europako altuenetakoa bait da.

Italiako ekonomilariak ezkor azaldu dia Maastrichten finkatu ziren helburuak lortzeko aukerak zein diren agertzerakoan. Horretarako, %6ko inflazioa jaitsi egin beharko luke Italiak eta aurre egin beharko lioke 1991n 126.800 milioi dolarretakoa izan zen defizitari.

ADOSTASUNEZ HAUTATUTAKO LEHENDAKARIA Azken hauteskundeak egin artean Gobernuan izan den koalizio alderdiak ezezik, Ezkerreko Alderdi Demokratikoko (komunista ohiak) kideek ere Scalfaro hautagai instituzionalaren aldeko apustua egin zuten. «Ez da nire alderdiak gustoko lukeen hautagaia, baina honek sikiera Konstituzioa beteko du», adierazi zuen Aquille Occhetto komunista ohien buruak.

Turkia: 65 hildako Armada eta kurdien arteko borroketan

ANKARA

Gutxienez 65 pertsona hil ziren herenegun, Turkiako Armada eta Kurdistaneko Langileen Alderdi-ko militanteen arteko enfrontamenduetan, Turkiako prentsak agertu zuenez. Hildako hamalau Turkiako Armadako soldaduak ziren, kurduek eraso zuten mugazain postu batean hildako mugazain batekin batera hil zirenak hain zuzen, eta besteak PKK-ko gerrilariak ziren.

Erantzun azkarreko tropen eraketarako egutegia zehaztu dute NATOk kideek

BRUSSEL

NATOk erantzun azkarreko tropak datorren udazkenean izango dira ekintzarako prest, osaketa prozesua 1995era arte amaituko ez bada ere, Ipar Atlantikoko itunak atzo onartu zuen egutegiaren arabera. Urrian hasiko dira funtzionatzen lurreko tropak eta Europarako Komando Aliatuaren esku egongo da Estatu Gorena. Aire Indarren osaketa 1993rako egongo da amaituta, eta nazioarteko koartelak 1994etik 1995era bitartean. Erantzun azkarreko Itas Armadari dagokionez, NATOk iragan hilabetean Mediterraneoeko flota iraunkorra osatu zuen (STANA-

FORMED). Flota honek, Aliantzak Atlantiko Ozeanoan zuenarekin batera osatuko du erantzun azkarreko flota.

Egutegi hau atzo Brusselen bildu ziren NATOk Defentsa ministroek egin zuten eta besteak beste indar konbentzional aliatuen berregituraketa eta murrizketa aztertuta zuten.

Erantzun azkarreko indarrek, NATOK 1991n defentsa estrategiaren barnean eratzea helburu jarri zuen eliteko defentsa tresna osatzen dute. Defentsa estrategia honen barnean sartzen da NATOk indarrek beren eremutik kanpo bake misioak egitea, atzo John Galvin-ek, Europar dauden NATOk Indarren buruzagi

iparramerikarrak adierazi zuenez. Eremu hori, Galvinek argitutakoaren arabera, Europako Segurtasun eta Kooperaziorako Konferentziako (CSCE) estatutara zabaltzen da eta CSCEren baimenarekin soilik mugitu ahal izango dute NATOk tropak.

Alemaniak eta Frantziak osatu berri duten Europako Armada ere izan da eztabaidagai Defentsa ministroen gailurrean, eta NATOk horrelako Armadaren osaketa onartzen badu ere, Aliantza-aren lehentasuna gogorarazi zuen gailurraren amaieran kaleratutako testuan. Horrelako ekimenek Defentsako gastuak «alferrik» handitu daitezkeela ere ohartarazi zuen Galvinek.

LABURREAN

LANDSBERGISek dimititu egingo duen mehatxua

Datorren abuztuaren 23rako Legebiltzarra hauteskundeetarako dei egiten ez badu, dimititu egingo duela adierazi zuen herenegun Vitautas Landsbergis Lituaniako Parlamentuko lehendakariak. Egun hori heldu arte botere legegileak Gobernuari buruzko edozein aldaketa atzeratzeko exigitu zuen era berean. ●

HUSSEINen tropek xiitak eraso zituzten

Saddam Hussein lehendakariaren aldeko tropa irakiarrek herrialdeko hegoaldeko xiitak erasotu zituzten hirugarren egunez. Irakeko Iraultza Islamiarra oposizio talde nagusiak herenegun jakin erazitakoaren arabera, Husseinen tropetako soldadu askok desertatu egin dute eta hegoaldeko gerrilariak batu zaizkie. ●

EUROPAKO Bankuaren aldeko kanpaina Edimburghen

Europako Banku Zentrala eta Moneta Institutuen egoitza Edimburgh izatearen aldeko kanpaina hasi zen atzo Eskoziako enpresa eta inguru finantzarioetan. Bi erakunde berri horiek Europako Komunitateak 1994ean egingo duen Batasun Ekonomikoaren bigarren fasean sortuko dira. Hala ere, urte horren amaierarako erabaki beharko da zein izango den erakunde hauen egoitza. ●

MOSKUKO Alderdi Komunistako burua hil da

Viktor Grixin, Moskun Alderdi Komunistak hogeiturtetan izan zuen idazkari nagusia hil zen atzo gizarte segurantzako errenkadan itxaroten zegoela. 77 urteko politikari ohia bihotzekoak jota hil zen pentsio handiagoko bat tramitatzeko gizarte segurantzaren egoitzara joan zenean. Bezperan, alderdiko ondasunen berri emateko zitzazioa jaso zuen. ●